

Dette h ringssvar er oversat fra dansk til gr nlandsk

Sendt: 19. oktober 2012 19:19

Til: Officiel post til Bureau of Minerals and Petroleum

Cc: Government of Greenland

Emne: H ringssvar vedr rende London Mining Greenland's mineprojekt i Isua

Namminersorlutik Oqartussat

Aatsitassanut Ikummatissanullu Pisortaqarfik, Postboks 1015, 3900 Nuuk

Nassiunqartoq ukununnga mailikkut info@nanoq.gl og bmp@nanoq.gl

Nuuk, 19. oktober 2012

London Mining Greenland A/S'ip saviminissarsiorfissamik atuinissaminik nuup eqqaani Isukasiani Nuup Kangerluani (Isua pileraarut)-mmut tunngatillugu qinnuteqaataanut tusarniaanermut akissut.

Ingerlatsineq /tamanut ammasoq

Naalakkersuisooqatigiinnissamut isumaqatigiisummi allassimavoq, naalakkersuisooqatigiit naleqartitaasa ilagigaat

*”Der skal skabes et solidarisk, samarbejdende og stærkt selvstyre, der baserer sig p  en ** ben, demokratisk dialog**. Det indeb rer **befolkningens medindflydelse og medansvar** for samfundsudviklingen, hvor udgangspunktet er menneskers lige v rd og lige v rdighed.” (mine fremh vninger).*

Innuttaasunik ataatsimiisitsinerit sisamaasut, Aatsitassanut Ikummatissamullu Pisortaqarfiup aggustip naalerneraniilli ingerlatai Isuani pilersaarut pillugu, sutigulluunniit naleqartitat oqaaseqatigiittaanut ”ammasumik tamat oqartusaaqataanerat tunngavigalugu oqaloqataanissaannik” naammassinninngillat kiisalu ”inuiaqatigiit oqartusaaqataanerat akisussaaqataanerallu inuiaqatigiit ineriartortinneqarnerannut”. Toqqammaviit tulluuttuni tunngavilersuutigaakka:

- Isuani pilersaarut pillugu inuiaqatigiit ilaannaat paasissutissiinermi akuutinneqarsimapput: ' Working together, we can and will make history in and for Greenland!' Issuaaneq London Mining seqersittakkatigut saqqummiussaaneersuuvoq, LM'ip naliliineranik eqikkaanermi. Issuaaneq innuttaasunik ataatsimiisitsinerpaalunni LM'ip pisortaanit Xiaogang Hu'p ingerlataani ilassuteqrtinneqartarpoq oqaatsinik ima, tassa Isuani pilersaarut Kalaallit Nunaanni inuussutissarsiutitigut pilersaarutaasoq annertunerpaaq maannamut. Tamanna aamma ima isumaqassaaq, tassa LM atuinissaminut akuerineqaruni-, saviminissarsiorfiliorneq taassumalu malitsigisaanik ingerlatsineq Kalaallit Nunaannut tamarmiusumut annertuumik sunnuteqassasoq. Taamaattumik pisariaqarpoq Kalaallit Nunaata innuttai tamakkerlutik – Nuummiinnaanngitsut Kapisilimmiullu – Isuani pileraarut pillugu oqallinnermut akuutinneqarnissaaq. Tamanna pisimanngilaq!*
- Ilisimasat aallaavigalugit oqallinnissamut piffissaq sivikippallaaq atorlugu ingerlanneqarpoq:*

Piffissaq atuagassanut annertoqisunut suliamullu immikkuullarissumik samminnittumut iserniarnermut atorneqartussaq (ilanngussat ilanngunnagit) piviusumik sivikippallaarsimavoq qaammatit marluinnaat missaaniinnera, VSB VBM'ilu piffissami tassani kisiat pissarsiarineqarsinnaanikummata. Tamassuma kinguneranik pitsaasumik piareersarnissaq peqataanissarlu ammasumik oqallinnermi pisinnaasimanngilaq tamanut, suliaminnik allanik sammisaqarunnaarlutik nalunaarusiamik atuarsinnaasimanngitsunut. Aalajangiisuumat London Mining'ip saviminissarsiorfissaattut ittoq ilisimasat aallaavigalugit suliarissallugu ataqatigiittumillu, pisumut attuumassutilimmik soqutiginaataa annikinneruvoq ukiuni arlaqartuni workshop'ertitsisoqartarsimanera paasissutissiiniarlunilu ataatsimiisitsisoqartarsimanera. Piffissaq nalunaarusiap qinnuteqartumit saqqummiunneqarneraniit tusarniaanerup naannissaata tungaanut suliffiaqarfiusussaq sapaatit akunnerni sivilissusilik aalajangiisuuvoq.
- Ammasumik Nuummi ataatsimiisitsinernut piareersarsimaneq tamat oqartussaaqataanerannut tunngavinnut pitsaassusissamilluunniit piumasaqaatinut suliamut pikkorissusissamullu naammaginatsumik ataatsimiisitsinermi piumasaqaatinut naamassinninngilaq:*

Ammasumik ingerlatsisoqarnertaa aqqissuunneqarsimanermisut, sisamariarluni ammasunik ataatsimiisitsilluni, piviusumik oqallinissamik mattussiviusoq akissutillu

apeqqutigineqartut ilaannut ataasimiinneri siullerniit tulliuuttuni akissutissarsiffiupput (ataatsimiinnerit pingajuanni allakkatigunnaq) itisilissutissanik apeqquteqartoqaqqissinnaanani, tmat oqartussaaqataanerit naapertorlugu akuutitsinissamut ingerlatsinermut ungasittorujussuuvoq. Aatsitassanut, Inuussutissariormullu Naalackersuisup Pisortaqarfiatalu oqariartuutigigaluaaraat illuatungaa, ingerlatsineq aamma "Canada model"-imit ungasissorujussuuvoq, ilaatigut ammasumi ataatsimiisitsinerni innersuussutigineqallattaaraluartoq. Canadami periuseq ersarissarneqartarnera patsiseqarpoq innuttaasut periarfissinneqarmata suliamut immikkut ilisimasalinnik atuagassanut naliersuinissaannik periarfissiimmat (avatangiiseq pillugu nalilersuineq inooqaqtiginnikkullu sunniutit) suliffeqarfiit saqqummiussaannut ingerlatsinermullu sivilisunerunngaaartumut.

- *Innuttaasunut maalarutigineqarnera annertoq:*

Ammasumik ataatsimiisitsinerit sisamaasut pillugit ataqatigiittumik ersarissut ilaat tassaavoq ataatsimiisitseriaatsip- imaata periutsillu maalarutigineqarnera annertoq "ammasumik tusarniaanermik" taaneqartoq "ammasumillu paasititsiniaanertut" taaneqartariaqartut.

Innuttaasunik ataatsimiititsinerit aallaqqaataaniit naggataanut annertusisartortumik (pikkugisassaannngitsumik) peqataasoqarpoq. Ingerlatinermit misilittakkat takutippaat piffisaq atortariaqartoq naammaginartumik maluginiarneqarnissamut taama pileraarummulluunniit pingaaruteqartigisumut. Taamannallu misilittagaqalernerup takutippa piffissaq sivilisunerusoq atorneqartariaqartoq.

Tusarniaanerup naalernerani ataatsimiititsinerit sisamaannit 8. Oktober-imit naalisagaq (referat) Namminersorlutik Oqartussat tusarniaanernut nittartagaanut ilineqarsimangilaq. Taamatuttaaq akissutit/oqaaseqaatit apeqqutinut 52-inut, ataatsimiititsinerit pingajuani 24. September saqqummiunneqarsimarpasinnatik.

Tamakkiisumik isigalugu ingerlatsineq pituttorsimannngitsumik, siusinaartumik ilisimatinneqarsimasumillu akuersaartumik maligassaqartitsinemik sutigulluunniit naammassinngilaq innuttaasunit pilersaarummit kalluarneqartunit. Taamaattumik tusarniaanermik ingerlatsineq sivittorneqartariaqarpoq tunngavissiillunilu oqallinnissamik aatsitassarsiorfiussamiit

sunniutaasinnaasut pillugit, taamaattumillu Kalaallit inuiaat tamakkerlutik oqallitsitseqqinnermi akuutinneqartariaqarput.

Imminut napatissinnaassuseq/avatangiisimut sunniutai

Naalackersuisut suleqatigiinnissamut isumaqatigiissutaanni ersarissarneqarpoq nammassinnaassutsip tunngavia issuakkami ataaniittumi:

*“Pissusissamisoortumik ataatsimoorfiit nukittorsarneqassapput inuiaqatigiillu inerisarnerannut peqataasallutik, Kalaallit kulturianik aallaaveqartumik, **allannguinerillu pilersinneqassapput, pisuussutit uummassusillit uummassuseqanngitsullu ataatsimoorluni imminut napatissinnaasumik aqutarineqarnissaat mianeralugu.**” kiisalu*

*”Nunarput namminersortoq tassaavoq nammaqatigiinnermik avitseqatigiinnermillu, **kiisalu piujuartitsinermik tunngavilimmik pisuussutinik atuiffiusoq, inuussutissanik imminut pilersornissaq aammattaaq anguniarneqassaaq.**” (nammineq **ersarissakkakka**)*

Nunatta nunarsuarmioqatinut akisussaaffii pisussaaffiilu tulluuttuni tikkuartorneqarput:

*”Nunarput namminersortoq aamma tassaavoq **nunat tamalaat akornanni akisussaaffimmik tiguisoq, nunallu inoqqaavinik allanik nunarsuarmioqatigiillu sinnerinik illersuisuullunilu suleqaterqartoq.**”*

*”Taamaammat Kalaallit Nunaata namminersortup innuttaasalu nunarsuaq tamakkerlugu pisussaaffiit akisussaaffiillu pioreersut anguniarlugillu piviusunngortinniarpaa.” (nammineq **ersarissakkakka**)*

London Mining’ip ataatsimut inerniliinera misissuinnermi Isuani saviminissarsiorfissamut pilersaarutip avatangiisinut sunniutai tassaapput,

”ISUA is an environmentally friendly mining project with low volumes of waste materials, clean operation and simple closure requirements”. (London Mining’ip Power Point-imik saqqummiussaani)

tikkuartorneqarportaaq

”No significant environmental issues identified”.

Issuaanerit marlut pineqartut arajutsiuminaattorujussuupput, pileraarutip sunniutissai malunnarnerpaat tassaassammata Nunatta katillugu CO₂-mik aniatitsinerata marloriaatinngortinneqarnissaa. Tamanna ammasumik ataatsimiisitsisarnerni pingaartumik apequtigineqaqattaarneqartarnerani piviusoq saqqummersinneqarpoq, qitiusumillu ammasumik oqallinnermi inissisimalerluni. London Mining'imit pilersaarummut attumassutilik taama pingaaruteqartigisoq pingaarpiannngittunngortinneqarnera qularsaalersinnaavoq ajornartorsiutit allat ilumut piviusumit soqutaannnginnertut saqqummiunneqarnersut.

Pilersaarummit CO₂-mik aniatitsinerup tunngavia tassaavoq, LM'ip sarfaliuutit dieselitortut tunisassiornermi atorniarlugit aalajangersimanera Taassuma malitsigissavaa dieseli 200 mio. literi sinnerlugu (London Mining'ip paasissutissaatai) ukuut Nuummut Nuullu Kangerlua aqqusaarlugu assartorneqartalissammat umiarsuarsuarnit uuliamik usisaatinit. Ulorianaatit saniatigut assartuinerup kinguneri, assartuineq malitseqarportaaq suli CO₂-mik aniatitsinermik, aniatitsineq tamanna Nunatta 80%-imik aniatitsinerulernissaannik naatsorsuutini ilaatinneqanngillat. Aniatitsinissap taassuma annertussusissaa paasissutissiissutigineqarsimanngilaq, uppersarsarneqartariaqarlunilu.

”Nungusaataangitsumik aqutsineq”-rup ”Nunarsuarmioqatinullu pisussaaffeqarneq”-rup Naalakkersuisunit akuerineqarnerat naapertorlugu, apeqqutaanngilaq Nunarput Kyoto isumaqatigiisummut ingerlatitseqqissanersoq aammalu CO₂-mik aniatitsineq umiarsuiarsuarniit nunap allap aniatitsinerannut ilanngunneqarnersoq.

ERngup nukinganik sarfaliorfimmik atuineq (naammattumik pissarsiarineqarsinnaasutut isikkoqartoq), naatsorsuutaaginnarani saneqqunneqarsinnaangitsumik piumasaqaataasariaqarpoq, aningasaliisussat aningaasaliissutiminnit utertitsinissami piumasaqaataani sallitunneqartariaqaraluarpoq. China Development Bank London Mining'ip pisortaanit dr. Hu aningaasaliisussatut ilimagineqarpoq (Nuuk TV'mi, 1. Oktober 2012 apersorneqarnera), piujuaannartitsineq iluatsitsinissaminnut qitiusumik aningaasaliisarnerminni tunngavittut atugaraat. Nuup Kangerluata qinnguani saviminissarsiorfiliortoqassagaluarpat erngup nukinganik tunngavilerlugu nukissiorfiligaq CDB'p avatangiisit pillugit isiginearneranut iluaqutaassagaluarpoq. Nunarput ukiorpaalunngortuni ”nittarsaappoq” soorlu avatangiiseq minguitsoq kiisalu piujuaannartitsineq tunngavigalugu sarfaliorfinnik ingerlatsisoq. Taamaalilluni Royal Greenland tunisassiani nittarsaattarpai imartaq minguitsoq avatangiiseq tunuliaqutigalugu. Peqqissaartumik

eqqarsaatigineqartariaqarpoq suut saviminissarsiorfissap qanoq ilusillit Kalaallit Nunaata nunarsuarmioqatitsinnit isigineqarneranut sunniutaasinnaasut.

Naalackersuisut tunngaviusumik isumaat naapertorlugu (naalackersuisooqatiginnermut isumaqatigiisummit issuakkat naapertorlugit) naatsorsuutigineqarsinnaavoq London Mining'imut sanaartornissaanut tunisassiulernissaannullu akuersineq piumasaqaatitaqartoq erngup nukinganic sarfaliorfimmik atuinissamik.

Kalaallit Nunaata aningaasarsiornikkut iluanaarutaa

Qularnanngiivittumik sunniutaasinnaasoq suliniut annertoq Isuani pilersaarutitut ittoq atulersinneqaruni tassaavoq, pinngortitamut avatangiisimut sunniuteqarnissaa malitsigisaanillu ulorianartorsiorfitsinerit assigiinngitsut. London Mining'ip saviminissarsiorfissa soqutiginnassaguni/naleqassaguni suleqatissatut, Kalaallit Nunaannut qularnaatsumik aningaasarsiornikkut iluanaarutaasariaqarpoq, pinngortitap avatangiisillu pilersaarummut ilaatinneqarneratigut.

Nunatsinni Namminersorlutik Oqartussat "royalties"-inik pissarsineq ajormata, toqqaannartumi aatsitassarsiorfitsinermit London Mining'ip pilersikkusutaanit isertitassat tassaapput:

Da Grønlands Selvstyre ikke opererer med 'royalties', er de direkte indtægter ved en minevirksomhed, som den London Mining har søgt tilladelse til at anlægge:

- Sulinermi isertitanit akileraarutit
- Suliffeqarfiit nunaqavissut suliffeqarfiutaasa akileraarutaat
- London Mining'ip suliffeqarfittut akileraarutaat

Sulinermi isertitanit akileraarutit annertussusaat (akileraarutip angissusaa naapertorlugu) isertitat katillugit annertussusaannit, nunaqavissut avataaneersullu sulisut agguataarsimanerat akissaataallu, pineqartut immikkoortitaartut sulisut kiisalu Namminersorlutik Oqartussat akileraarutininik katersiniallaqqissusaat apequtaassaaq.

Sulinermi iertitanit akileraarutit

Isertitat annertussusaa apeqqutaassaaq pissutsit assigiinngitsutu naammassineqarnersut, soorlu, sulisussanut avataaniit tikisitanut akissaatit appasinnerpaaffissaat. Akissaatit appasinneriartortillugit, suliniutit annertuut pillugit inatsimmi akuerineqartut, akileraarutit appasinnerujartuinnassapput. Peqqutit arlaqarput (soorlu nunarsuarmioqatigiit isumaqatigiissutaat, akikinaarilluni sulisoqarnissap itigartinneqarnera kalaallilu suliffeqarfiutaasa unammilersinnaassusaa) Namminersorlutik Oqartussat piumasaqaataani eqqumaffissat, ataaserlu tassaavoq, isertitanit akileraarutit tassatauaammat isertitassaq Namminersorlutik Oqartussat qularnaatsumik isertitassaat pilersaarutip sanaartorlugu aallartinneraniit.

Namminersorlutik isummersuutaat pisumut oqallinnerni saqquminngilaq.

Ingerlatsinerup nalaanni naatsorsuutaavoq sulisut amerlanerit nunaqavissuussasut. Piginnaasat tassani apeqqutaassapput nunqavissunit qinnuteqartunit, qassit atorfinitsinneqassanersut, taamaattoq akileraarutitigut isertitat aamma ingerlatsinerup naalaanni akissaatit qaffasissusaanit sulisunit assigiinngitsunit peqquteqassaaq.

Suliniutit annertuut pillugit inatsisissaaq saqqummiunneqaqqamersumi kisiat sanaartornerup nalaani immikkut pissutsit atuunnissaat pineqarpoq. Pissutsit assigiinngitsut peqqutaallutik – soorlu qulaani takuneqarsinnaasoq – kisiat aamma sulinermi isertitanit akileraarutininik akiliisarneq pillugu ingerlatsinerup nalaani pingaaruteqassaaq uppersarsisissallugu, Naalakkersuisut ingerlatsinerup nalaani qasunganerusunik atugaqartitsinnginnissaat.

Apeqqut attuumassuteqartumut soqutiginaateqarpoq misilittakkat peqqutaallutik – assersuutigalugu Sierra Leone-mi, London Mining immikkuullarilluinnartumik pitsaasunik atugassanik angusaqarsimaneranik Naalakkersuisut toqqaannartumik isumaqatigiissuteqarfiginerisigut. Atugassat qasukkarneqannginnissaannik ilimasaarinermit isertitariumaakkanut ilimagisat pillugit pitsaanerusumik tungavississavai.

<http://www.christianaid.org.uk/Images/sierra-leone-mining-briefing.pdf>

Suliffeqarfiit nunaqavissut pigisaanit akileraarutit

Nunaqavissut suliffeqarfiutaanit akileraarutit annertussusaat nunaqavissut suliffeqarfiutaasa qanoq annertutigisumik suliassanik tigusinerannik peqquteqassaaq, soorlutaaq suliassat annertussusaat ingerlatsinermi- sanaartornermilu peqquteqassasoq qanoq suliffeqarfiit unammillersinnaassusaat pitsaatiginersoq. Pineqartumi uuttuutaassaaq pingaarutilik akissaatit inissisimaffiat – suliffeqarfinnut avataaneersunut appasilligaluttuinnartillugit, nunatsinni suliffeqarfiit pitsaanngitsumik inissikkiartuinnarneqassapput. Tanna aamma toqqammavigalugu Naalackersuisunit ersarissumik nassuerutiginninnissaq aamma siunissami sakkukinnerusunngortitsinerit/immikkut akuersinerit akissaatititigut appasinnerpaaffissat pillugit, inuussutissarsiorsinnaanermut inatsit il.il.pingaaruteqarpoq.

Suliffeqarfiup akileraarutai London Mining' aamma suliffeqarfiit avataaneersut allat

London Mining aatsaat suliffeqarfittut akileraartalissaaq, sanaartornermi aningaasartuutit matusinissamullu aningaasartuutissatut ilimagisat nalikilliliissutigineqareerpa. Naatsorsuuteqarpa qaqugu suliffeqarfittut London Mining siullermeerluni akileraassanersoq?

Nunat/Naalagaaffiit anginerujussuit misilittagaqarnerillu piginnaasatigut nukittuut immikkullu akileraartarnikkut aaqquussiviusut ajornartorsiuteqarput suliffeqarfiup akileraarutaanik akiliisitsiniartarnermini, sumiiffinni suliffeqarfissuit isertitaqarfiini. VVM'imi ataasiakkaanguit oqaaseqaatit akileraartarnermut aqutsisoqarfimmi atorfinitsitsinissamik amerlanerusunik eqqaassanngikaani – ersarissarneqanngilaq qanoq iliorluni Nunatta suliassaq pineqartoq kivissaneraa, akileraarutitik isaatitsinissaq 28,5 mia kr.-inik ukiuni 15-ini.

Pissutsit allat, Namminersorlutik Oqartussat isertitaanut sunniuteqarsinnaasut:

Kalaallit Nunaata guldisiorfimmi Nalunaq-mi nunatta kujataani misilittagai soorlutaaq olivinisorfimmi Atammiup eqqaani Fiskefjorden'mi tassaavoq atuunertussusaat nunarsuarmi tunisassiat nalinganik peqquteqarmat, Nunatta sunniuteqarfiginngisaa. Tamakku misilittakkat Namminersorlutik Oqartussat London Mining'ip pilersaarutaa pillugu piffissaq sivisooq isigalugu sunniutissat nalilerpaat – ilaallutik ulorianartorsiornerit/ilimanaatit matoriataarsinnaanissaanut piffissami ukiuni 15-it iluanni?

Uuttuutit amerlaqaat isertitanik sunniisut (taamaalillunilu Namminersorlutik Oqartussat isertitaat) nunarsuaq tamakkerlugu tunisinermi nalingata saniatigut:

- Ingerlatsinerup sivilissusaa. Akilersinnaassutsimik ingerlatsisinnaassutsimillu – misisuineq saviminissarsiorfimmut naatsorsorneqarpoq ukiut 15-it ingerlatsinissaq naatsorsuutigalugu. Ilimanarpoq peqassuseq katillugu ukiuni 30-ini ingerlatsiffiusinnaasoq immaqaluunniit sivilunerusumik. Tamannali aatsaat ukiut tallimat qaangiuppata ersarississaaq (paasissutissaaq dr. Hu-mit).
- Pisisartunut aatsitassarsiorfimmit assartuinermi ungasissusaa. Naaatsorsuutaavoq 70% missaat kineserit niuerfiinut tunineqartassasut. Silaannaap allanngoriartorneranut atatillugu ilimagineqarpoq imaatigut angallaffissaaq avannaatigoortoq annertunerujartortumik periarfissanngussasooq. Tamanna annertuumik aningaasartuutunik allanngortitsissaaq (uppersineqarpoq dr. Hu-mit).
- Nukissioriaaseq. Erngup nukinganik sarfaliorneq annertunerusumik sanaartornermi aningasartuuteqartitsissaaq, ingerlatsinermilu malunnaatilimmik aningaasartuutikinnerutitsilluni, tamanna sakkortunerusumik sunniuteqarluni ingerlatsinissamik sivilissusissaaq sivtortortillugu.

Pissutsit tamakku qimerloorneqassapput nunarsuarmi niuernerme naligitap ineriartorneranut sanilliullugu. London Mining'ip paasissutissiinera naapertorlugu Baning Feasibility misissuinerit suliarneqassapput pilersaarutitut Isuani pileraarutitut ittunut, ukiut 15-it ingerlatsinissaq qaangernagu. Taamaakkaluortoq ukiut 15-it qaangerlugit missingiornissaq tunngavissaqarsinnaavoq – ilaatigut nukiliornermik sumik atuinissamut piumasaqaateqarnissaaq eqqarsaatigalugu.

Pissutsit allat/apeqqutit/ajornartorsiutit

- VVM'imi VSB'milu avatangiisimut tunngasut, aalisagaqassueq piniagassallu malitsigisaanik sunniutinut piniarnermut aalisarnermullu inuussutissarsiuutigalugu- aamma sunngiffiimmi (ilaallutik pisarneq naapertorlugu piniarneq) nalilersorneqarput. Ajornerpaaffimmini sunniutit sakkukittumik pitsaanngitsuunissaat nalilerneqarput, Nuup kangerluani imaatigut angallannerup annertuserujussuarnissaa pigaluartoq (orsussamik assartuussuit, pilersuisut saviminissamillu assartuisut, soorluttaaq sulisunik asartuisut).

- Takornariaqarnermi sunngifimmilu kiffartuussineq nalilerneqarportaaq pitsaassuusasoq ilaatigut. Ilimanarsisinneqarpassippoq annertunerusumik inuussutissarsiornermik ingerlatsineq kangerlummi takornarianik sullissineq soqtiginarnerulersissagaa piumaneqarnerulersillugulu. Pingaartumik LM'ip saqqummiussaani saqqummersinneqarmat (Aatsitassamut Ikummatissamullu Pisortaqarfiup LM'illu paasititsiniaanerannit), piaavimmi sulisut piaaviup avataanut ingelraqqusaanngitsut soorluttaaq Nuummiit piiavimmut utimullu sulisunik isumannaallisaanermik suliaqartunik parsiarneqartartussaanerat eqqarsaatigalugu.
- Nakkutilliisutut suliassat suliarylutit – suliart assigiinngitsut ajornartorsiutillu, pisussat, Namminersorlutik Oqartussat saviminissarsiorfissamut sanaartornissamut ingerlatsinissamullu akuersissappata, naatsorsuutigineqartariaqarmat pilersitsineq/inerisaaneq/annertusititsineq immikkut piginnaasanik suliassaqarfinni arlaippassuarni soorlu: nunasiortortunut/nunami allamiunut (ullumikkut naalagaaffiup akisussaaffia); akitsuuserivik akileraaruserivillu; avatangiiseq, pinngortiamik qutsineq; sulinermi avatangiisit (naalagaaffiup akisussaaffia); umiarsuarnik nakkutilliineq (naalagaaffiup akisussaaffi). Tamassuma kinguneranik aningasartuuterpassuarnik tiguisoqartariaqassaaq maluginiarneqanngitsoortussanik nunatta karsianit. Tamakkorpassuit pillugit Namminersorlutik Oqartussat eqqarsaatersuuteqarpat?
- Oqallinnerni qaffatsinneqarpoq, assersuutigalugu London Mining'itut ittoq pilersaarut iluatsissaguni piomasagaataasoq sulisut nunaqavissut atorneqarnerat. Sulisussarpassuit suliassanik piiavimmi ingerlatsinissaminnut pisinnaassappata ilinniartinneqqaartariaqarput. Apeqquterpassuarnik tamanna puttallartitsivoq
 - Siulittuutit pileraarutillu suut ilinniartitsinissamut suliusussaasinnaasunut piiaanermi piareerneqareerpat?
 - Qanoq nuttarneq annertutigaa: Qassit pissutsit assigiinngitsut peqqutaatillugit aallarusussappat/nuukkusussappat piiavimmi suliffittaariartorlutik (nuttarsinnaaneq pillugu misissuinermi takuneqarsinnaavoq nuttarnissaq piareersimaffigineqarpallaanngitsoq)?
 - Illuatungaani nalunaarunnassappat, nuttarsinnaaneq annertoqisoq taava ilinniarsimasut nunaqafinnit illoqarfinniillu mikinerusunit Nuup avataaneersunit kingunerisinnaavaa inuit nukittunerpaat anialernerat pineqartunit, sumiiffiit ataqagiinnerannut inuuginnarnissanullu sunniuteqarsinnaasumik.

Qulaani pineqartut – apequtit allat assigalugit – annertunerusumik misissorneqarnissaminnut
pisariaqartitsipput.

Ikinngutinnersumik inuulluaqqusillunga

Birger Poppel

Postboks 5199

3905 Nuussuaq